

湖廣通志



湖廣通志



常德府詩類

本府

武陵縣附

唐

書懷

劉禹錫

昔日居隣招屈亭  
楓林橘樹鷓鴣聲  
一辭御苑青門路  
十見蠻

江白芷生

西漢開支郡  
南朝號威藩  
四封當列宿  
百雉俯清沅  
蒼溪秀巖生  
枉渚暄

朗州戲筆

呂岩

寶墨遨遊到朗州  
無端太守問因由  
家居北斗星辰下  
劔掛南山月角頭  
朝覲玉皇登寶殿  
暮隨王母宴瓊樓  
知君相見不相識  
回首白雲歸去休

鼎城閑詠

呂岩

數年不到鼎城遊  
返掌俄經八十秋  
劉氏宅爲張氏宅  
謝家樓作李家樓  
千金公子皆空手  
三歲孩兒盡白頭  
惟有兩般依舊在  
青山長秀水長流

閑詠

劉禹錫

星象垂鳥翼  
蠻貊相犬牙  
俚人祠竹節  
仙洞閉桃花

木瓜山

李白

朝看東日出  
暮看西烏還  
客心自酸楚  
那對木瓜山

武陵溪

孟浩然

武陵川路狹  
前棹入花林  
莫測幽源裏  
仙家信幾深  
水迴青嶂合  
雲度綠溪陰  
坐聽閑猿嘯  
彌清塵外心

善卷祠

劉禹錫

先生見堯心相與云九有斯民旣已治我得安林數道爲自然  
福名是無窮壽域堪在此山識者常回首

陽山廟

前人

漢家都尉始征蠻血食于今配此山曲盖幽溪蒼檜下洞簫愁  
絕翠屏間荆巫竊默傳神語野老婆婆啓醉顏日落風生廟門  
外幾人連踏竹歌還

春申君墓

杜牧

烈士恩酬國士恩春申誰與快幽魂三千賓客總珠履欲使何  
人殺李園

司馬錯城

劉禹錫

將軍將秦師西南莫遯服故壘清江上蒼烟晦喬木楚塞鬱重  
壘蠻溪紛結曲

宋

梁山

周必大

秦人溪畔漢人山萬木參天六月寒  
寫向湯休詩集裏老僧要作畫圖看

善德山

二首

前人

閑來楚望着江山水闊分流又一灣  
古剎經行脩徑裏孤峰環繞翠筠間  
昔人舊塔尺今雖在道價高風不可攀  
因念叢林宛如舊當年有願幾時還

四望村深面面山臨流田舍病江灣  
僧居樓閣翠微外在烟波欸乃間  
露重天寒何大早橙黃橘綠已堪攀  
攀風光無限吟難盡他日重來且暫還

萊公泉

范諷

平仲酌泉向北望謂之禮佛向南行烟嵐翠鎖門前路轉使高僧厭寵榮

又

崔嶧

二相南行至道初記名留在詠精廬甘泉不洗天涯恨留與行人鑒覆車

甘泉寺

丁謂

翠影人疎度波光瑟瑟凝帝家金掌露仙署玉壺冰曉井侵星汲宵厨向月浴豈惟蠲肺渴灌頂助三乘

司馬錯城

陶弼

此設長城陷敵塵更來勞役武陵民我凝洞裏栽桃者便是當時版築民

本朝

自詠

應復平

奉化人本府知府

花向東風幾度開  
新城司馬又重來  
街頭稚子爭迎笑  
沙際漁翁亦解猜  
霜簡欲參先聖像  
玉書咸上舊書堂  
武陵自有花千樹  
誰道劉郎去後栽

題異瑞

李冕

知州人

帝統乾坤大重光  
德業隆風雲千載會  
曼執八紘同邊徼  
塵逾靜嘉禾歲屢豐  
求賢方吐握體道復謙冲  
帖員心無間中和氣  
自充泰階符玉燭異數見郊叢  
擬是呈祥物元因至治功  
似麟還似豸非虎亦非龍  
霧縠蹤疑墨霞騰中射紅  
遲聞憐郡守驚仆鄙村翁  
龍馬真堪匹騶虞頓覺空  
交靈時適至義獻禮宜崇  
何事歸淪沒毋勞咎秦慚  
骨藏渾吼吼自擊尚僮僮  
忝登霜臺第分觀北道風  
濡宅鳴盛蹟意在播仁躬

異瑞賦

杜序杜縣人

物之世不常有者曰鳳與麟麟之爲物兮尤爲世之所珍一見於軒轅之圖再見於成康之藝三見於魯國之郊信爲世之不常有者也歷二千載兮天開

大明

列聖在御兮文運亨

聖德格天兮異瑞呈肆靈物見於楚兮實天地之儲精楚西古域兮曰常武有村東田兮民居雜處忽產瑞物兮似麟非麟托胚胎于牝牛兮不尾不乳初產兮雲煙涵若而霞光滿室既產兮不受制縛而跳踉奔逸定骨突起兮如角欲出鱗甲叢生兮列脊如戟尾毛如牛兮其鱗尤密農人恠其爲物兮且遂且擊嗚呼魯郊折其左足今則傷其右脇牧守揚公聞而惜之兮欲

動吾夫子之悲泣遂取畜於帑藏兮永傳奇蹟公曰噫嘻使斯物之有幸兮當疏貢於

王廷何斯物之不幸兮致愚民之戕其生予聞而解之曰使斯物出非其時固不足以爲瑞今乃出當

聖明之時况乃產於賢守之地又聞諸民頌曰吾

皇大德如天兮一視同仁吾守體

皇心之仁兮牧我斯民廼者成化己丑洪水泛溢室廬爲湖民幾墊溺或攀樹枝兮如鳥栖棘或隨屋漂流兮而緣簷脊民既阻饑公甚憂惕遂發官廩航以濟之活數萬命在垂死時同寅協心贊佐設施分遣屬吏撫恤無遺至仁格天乃召斯瑞孰曰斯物非仁而致楊公聞之兮若不懌然乃集民於庭言以言以宣何吾民見井底之天而不見井外之天方今

聖德如軒轅成康園斯世於太和兮景運孔昌今茲異瑞兮實本

聖皇我朝

列聖仁被八荒騶虞白象疊貢夷疆而麻林國亦貢斯祥吾何能爲乃敢以當予喜民之感頌而嘉公之謙抑能不自擅其美而歸頌於王國遂採實爲之賦兮庶不負乎目擊若夫大書特書兮誠有待乎絕筆

異瑞歌

楊宣

樂安人知府

吁嗟異瑞出何爲出應文明全盛時騶虞龍馬前後貢何止一物稱絕奇化工流行一元氣生育萬物分浮濶人稟氣清賢與聖物感氣和鳳與麒麟人物相符爲上瑞此顯彼晦成率遠成周郊數爲常事尼父忽見淚乃垂二千年後人莫覩偶然異瑞出

於斯膚身牛尾如麟紅黃毛藏甲何牛蹄定骨突起渾如豸脊  
骨排鎗不似犀烟雲滃鬱信宿間霞彩兩腋騰光輝忽然風雨  
雷電乍跳躍奔馳不受羈居民整訝以爲怪老幼持杖爭擊之  
擊之不斃乃加刃遂令此物傷脇肢我聞欲見不可即歸谷里  
隣傳報遲斯物如在當入貢空留死骨令人悲遊衣入帑作

異瑞致斯瑞者歸伊誰方今

聖人御宸極德覃海宇民物熙四靈百瑞雜沓貢適符千載之  
白期異哉斯物應時出爲頌聖德形諸詩

題異瑞

卜吉

相鄉人  
教諭

明時和氣格蒼穹牝牡懷胎異瑞鍾既產既生雷雨至其形其  
狀豸麟同音年郊數傷尼父今日村庄勸老農不是黃羊存朽骨  
孰傳造化顯神蹤

常德書懷

江孟綸

江津人  
食事

七月中旬遊輕衣可試羅清風潛薦雨金氣靜澄波仕路功名薄  
皇恩雨露多正當圖補報敢咏采薇歌

留別湖北諸士

陳鳳梧

泰和人提學副使

一官無補又西移江漢悠悠別後思五載文風渾未振百年道義尚相期希賢好誦淵源錄報國無忘勅諭碑生楚人材吾拭目棟梁堪補及明時

喜雨

陳希文

南海人本府知府

黑雲堆墨雨如傾清血遙看到處盈千里桑田方舉趾萬家煙火望西成側身憂旱剛三月消愁經句在一誠但願年豐如上吉村村扶醉樂昇平

又

柯拱北

咸都人長史

天不同雲雨不傾方苞何敢望曹盈明公鎮日憂民瘼丹悃終宵覲歲成霖霖既零旬日雨感通還是一心誠此疆彼界皆生意料得秋收處處平

又

梁廷貴南海人長史

早禱雲增雨忽傾沛然膏澤已豐盈三農在野爭相慶五穀逢收定有成作守重膺千里寄格神深竭寸心誠休徵本自人和致郡政于今類砥平

又

楊肅嘉定人通判

為民籲禱赤心傾霖雨當春集且盈已見田疇沾復足可期稼穡順而成但存愛物應多濟有感祈天顯至誠不讓當年蘇子記人忤神聽永和平

又

陳洪謨邑人貴州按察使

愛懷如切祀天傾斗水誰憐鮒轍盈不是仁侯爲露禱何由  
畝遂秋成衣冠有喜歌殊政造化無私鑒至誠昨向問閭試占  
候三錢斗米價初平

瑞雪

陳洪謨

大雪連朝應臘前更看臘後舞蹁躚不愁茅屋冰三尺擬取秋  
田歲十千落地梅花疑點額隨風柳絮故漫天從來神瑞關人  
事道路新傳及杜賢

又

楊禔

邑人太僕卿

聲驚折竹呼童問勢挾風狂作陣來有郢調高真寡和無根花  
好不須培搖搖瘦蹇憐詩在啞啞寒雞誤曉摧十二瓊樓誰試  
笛玉塵吹落糝江梅

又

孫祚

慈溪人  
教授

六出紛紛撒滿前隨風撩亂舞蹁蹁蜚蝗道迹深何許稼穡如  
雲豈十千麗澤滂敷神禹地陽和彌塞帝堯天淳龐直挽唐虞  
盛渤海看來未足賢

又

丁裕  
蒲田人  
教諭

和散乾坤有幾回今冬稷霰喜重來地疑玉馬神光藹樹積瑤  
花詩景培漢使當年餐有味剡溪此夜興相催塵氛盡擲高標  
外獨許清風觀裏梅

龍門禱雨歌

楊宣

龍門勝境由天作形勢岌堯鎮磅礴化工神妙非雕琢惟石竒  
山似蓬弱前村土穴疇能鑿容納百川并萬壑穿山入洞湍飛  
躍洞裏乾坤大開拓潭深萬仞不可度徹底澄清撓不濁後門  
仰天無鎖鑰出入應須藉繩索幽崖數里長演漠燃炬趨趨難

着脚中有洞房殊寥廓古來云是觀音閣神龕有像垂璫焉  
子兩傍微露膊擎天石柱勝刀削四壁潤紋成孔雀於後澄潭  
纓可濯莫究何人橫不權渡入龍宮迷六幕但見石龍眠紫卓  
偃仰崢嶸露頭角鱗甲光輝渾玉璞口噴清泉勝酥酪布霧興  
雲在掌握有祈必應真的確親驗其然語非謬偶因旱魃恣爲  
雲火旗燒空誠熾煥金石斯時尺銷鑠禾稼焦枯被燠灼父老  
填門訴民瘼爭訝龍門堪禱禱夏侯仕麒材卓犖駁馬雕鞍來  
會約我忝專城膺寄託肯畏勤勞或推却車騎聯鑣遜鞭着夾  
道傳呼真李郭引睇龍門雲閃爍驟雨忽來人不覺倉忙趨去  
密囊橐偶遇仙祠暫栖泊晚宿禪林暑氣薄細聽僧房轉更  
侵晨請禱心虔恪自責居官多誤錯地雷隱隱無擊搏嵐氣  
氤氳覆帟帷夏侯入洞聞仙樂工祝致告神喜諾敬取龍涎水一